

Le n° 1594 a st. omis

1595

DEO OPTIMO MAXIMO UNI ET TRINO, VIRGINI DEIPARÆ
ET SANCTO LUÆ ORTHODOXORUM MEDICORUM PATRONO.

QUÆSTIO MEDICA,
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM, DIE JOVIS XII. DECEMBRIS

M. LUDOVICO DEVAUX, Doctore Medico, Præside.

An diverso judicentur tempore, qui iidem sunt specie morbi?

HOMINIS natura ipsius est viventis idiosyncrasia, quæ in uniendi spirituum interventu corpus cum animâ, certâ ratione consistit, & in legitimâ solidorum scilicet & fluidorum quibus constat proportionem. Ex spirituum uberrimâ copiâ, firmissima unio longissima, vis naturæ validissima, vitæ diuturnitas. Non distinguunt homines nisi peculiari illâ temperie, quæ cum actionum omnium & motuum intrinsicum sit principium, partes singulas variis facultatibus instruit & exornat. Cor perenni systole & diastole sanguinem in circuitum exagitat: ex cibis præparatur chylus in ventriculo tritu, ex chylo sanguis coquitur, perficiturque in arteriis & venis. Ex sanguine cuiusque partis substantia fovetur, reparatur, augetur indefinenter, sed indefinito motu. Quod elleborum & cicuta nonnullis alimentis sint, aliis venena: quod visco lepusculo quidam exhorrescant, alii anguibz delectentur, quod non solum voce, scripturâ, pingendi ratione, sed etiam vultu singuli homines discrepent, huic uni acceptum referendum est.

ACTIONES corporis promovere animi officium est: ut autem citò, tardè, expedite, ægrè, parcè, copiosè fiant, idiosyncrasia, impediri vel expediri ocyùs, segniùs, coctiones, excretiones, agenerationes pro variâ externarum rerum conditione. Constat exemplo leguminum quæ facilius fluvialibus aquis, quàm puteanis coquantur, ab alimentis quoque eupeptis & dyspeptis, euchy- mis & cacochymis velociores sunt coctiones aut tardiores; nec aliundè morbi mitiores sunt vere, quàm autumnus, breviores æstate quàm hyeme, nisi externi aeris benignitate, eadè ratione ce- realia, sataque omnia modò citiùs, modò tardiùs germinant, adolefcunt, maturefcunt: sed mutationis cuiusque interior causa idiosyncrasia est, quâ ratione fit, ut qui fluidiorem sortiuntur alvum in adolescentiâ, pigriorem in senectute experiantur, mulierum non paucis fluunt purgationes plenâ, plerisque silente lunâ: hic tempus anteveritur, illuc protrahitur. Nihil in homine constans & perpetuum, vita in utero quibusdam ante trigefimum, quibusdam post quadragesimum diem. Partus septimo, nono, decimo, undecimo, nonnunquam octavo mense vitalis. Qui conformantur die tri- gesimo, non semper moventur nonagesimo, aut nascuntur ducentesimo septuagesimo, nec in tantarum actionum terminis lex ulla definita.

UT inter se diversæ coctiones & secretiones, sic diversis temporibus obeuntur; & alia victus ratio hyeme quàm æstate instituitur, quod illis tempestatibus celeriores contingant, aut tardiores coctio- nes. Non per-æquè omnibus interdendum cœna, vel concedendum vesperti uberiùs alimentum defectiones alvinæ nec statâ nec definita. In morbis nec perpetuò statâ horâ antecedunt paroxysmi, nec definitâ recedunt. Febres acutissimæ non statim primo septenario faviunt, aut post tertium mitefcunt. Frustrâ quoque earum solutionem certis quibusdam diebus expectes, cum varia sint παρασχησ temporâ, indeterminata humorum secretio, excretio. Religiosæ dierum in morbis observationes, ut plerumque supersticiosæ, sic sæpenumero noxiæ, & dùm impari die crisis expectatur, agendi occasio præterfuit.

OPUS naturæ bene agentis ab utili quod noxium est & fecernentis & expellentis, crisis est; hæc humorem morbi parentem, qualem, qua parte, quo tempore excludi convenit, & quantum opus est, è corpore eliminat: rarior illa nostro quàm veterum ævo, non pejoris ætatis aut senescentis mundi vitio, sed Medici peritiâ aut imperitiâ, qui imperitè venam secat, aut purgat, vel illa prætermittit quæ legitima fieri jubet indicatio, irritatis morbi causis & interturbatis naturæ operibus, mortem, non crism accersit: at peritus artifex adhibitis initio convenientibus prædiis, ita morbi vehementiam obtundit & frangit, ut ea paulatim elanguat, causis omnibus magnam partem excisis, ac vitato discrimine & periculo quod ab exortâ per crises inter naturam & morbum pugnâ videtur impendere. Dùm illa coquendis movendisque feliciter humoribus incumbit, cave ne interpes aut avertas; quodvis eo temporis articulo exhibitum pharmacum, venenum est. Tùm demùm opitulandum puta, cum segni- ter in coquendo excernendoque humore operatur. Mutuis auxiliis ars & natura ad ægri salutem conspirantes, salutarem *εὐφορίαν* procurant.

HUMANA sorte superior creditur Medicus in prædicendâ crisi, in curandis gravissimis affectibus. Nulla verborum vis in morbos, nulla septenarii numeri ad crises. Naturæ officium est post edo- mitum & segregatum ac sepositum humorem, crises moliri, sed variis & diebus & hebdomadis: vix tamen ante diem tertium, aut post vigesimum primum effatu digna crisis observatur. Ex naturæ universalis præscripto, quæ se nonnullis legibus necessariò adduxit. A tertio ad vigesimum primum ampla intercedit temporis latitudo, intra quàm variis diebus ab unâquâque naturâ particulari prævidente Medico judicantur morbi, pro diversâ ætate, temperie, sexu, vivendi genere singuli peculiarem & sibi familiarem excretionis modum affectantes, die non tantùm critico dicto & impari, sed pari & tyran- no. Hanc autem vel tempestas, vel rerum non naturalium usus, vel impendentis casus, vel ipsa morbi conditio ac natura retardant aut accelerant, undè varium atque indefinitum redditur criseos tem- pus. Dùm natura cum morbo (licet eodem secundum speciem) congreditur, & humorem crassiores aut tenuiores: catullientem, aut torpentem: paucum aut copiosum invenerit, fuerintque faventia vel repugnantia *παρασχησ*. Hac vel illa hebdomada: citius, serius: die pari, impari: mane, vespere: noctu, interdiu: hac vel illa hora confectum absolvit.

Ergò diverso judicantur tempore, qui iidem sunt specie morbi.

DOMINI DOCTORES DISPUTATURI.

M. Joannes-Baptista Martineng.

M. Joannes Henricus Imbert, è Regiâ Scientiarum Academiâ.

M. Franciscus Pouffe.

M. Thomas-Bernardus Bertrand.

M. Egidius Adam.

M. Camillus Falconnet, Regiæ utriusque Aula equæstris Medicus honorarius.

M. Franciscus Afforty, antiquus Facultatis Decanus.

M. Germanus Prieux, Professor Regius.

M. Joannes Cordelle.

Proponcbat Lutetiæ JOANNES-MATTHÆUS LE BERT, Parisinus, Baccal. Medicus, A. R. S. H. MDCCXV. à sextâ ad meridiem.

Typis J. QUILLAV, Universitatis & Facultatis Medicinæ Typographi.